



De Kwakel is ein oetgave van ut Kwakel-comité
Karnaalsvereniging de "MOEREBUUK" ELL

De Kwakel

2000



48e jaargank

Beste Moeëre en Moeërinne:

Noe dêt gae zittj te lêze zeen wae der weer veur ein joar mèt klaor.

Want gae hùbtj de vastlaovesvereniging weer gesteundj door middel van eur biedrage aan deze Kwakel.

De opbringst geit weer wie anger jaore noa bejaarde, zeke, jeugd enz.

Wae winse uch veul lêesplezeer en hope dêt de vastelaovendj weer zal zeen wie veurgaondje jaore. Den kan de vastelaovendj in oos Moeërelandj neet kapot.

Wae winse alle minse mër in 't besunjer Prins Siem I en Prinses Corine, zien adjudanten,

Jeugdprins Jules en Jeugdprinses Renee, eine hieële sjoeëne vastelaovendj.

De redaksie.



Beste Moeërebuuk en Moeërinne

Veur mich zitj 't d'r op.

Mich restj allein nog dit stûkske inne kwakel.

Trûkkiekendj op 't aafgeloupe jaor kan ich allein mer zegge
KEI SJIEK.

De tied veuraaf waas zoeë spannendj totdê eederein mogt wete dê ich, Prins René I, de noewe Prins waas.

Waat haaj djer gedachtj toen de Teletubbies teveursjien kwome?

Eindelik stong ich doa, vanachter de zon oetgekome,
de 48^{ste} Prins vanne Moeërebuuk.

Auch kwaam doa mien Prinses Monique op 't podium.

Toen wae as noew Prinsepaar geïnstalleerdj wore kwome auch de Teletubbies, te wete mien adjudante Hans, Bert en John noa bove (de 4^{de} waas mien zus Sandra). Same hûbbe wae d'r eine gooje vastelaovendj van probe te make.

Neet te vergete waas 't volgendje: "t Prinsebal > kei sjiek,

de resepsie > kei sjiek,

op bezeuk bij de 80+ > kei sjiek,

de noew generatie moeërebuukskes die gebore wore > kei sjiek,

interview zeekhoesomroep > kei sjiek,

de resepsies van anger vasteloavesrieke > kei sjiek,

de geweldjige bontje aovundje > kei sjiek,

de sleuteleuverdracht > kei sjiek

en nateurlik de vastelaovesdaag, 't rondjtrêkke van kroeg tot kroeg,
begeleidj door live muziek > kei sjiek.

Wae Prins René en Prinses Monique danke de volgendje minse:

Oos adjudante Hans, Bert en John, doabiej auch de dames Brigitte,

Sandra en Bianca. Nateurlik de Road van Elf mêt auch de dames

doavan, Vorst Jan, alle muzikanten veur de fantastische begeleiding,

de families, Jeugdprins Ramon en Jeugdprinses Lionne, de

caféhoajers, de minse inne optocht en langs de kantj en verder

eederein dae vanne vastelaovendj veur oos iets onvergêteliks

gemaaktj heet.

Minse 't waas KEI SJIEK!!

Verder winse wê Prins Siem I en Prinses Corine, Jeugdprins
Jules en Jeugdprinses Renee, adjudanten Henri en Berend, ein
onvergêtelik good vastelaovessezoen toe.

Wê doon dê onger oos motto:

**As lèste Prinse vanne (veurige) ieëuw,
dê waas uniek,
vastelaovendj KEI SJIEK.**

Prinsepaar 1999 : René en Monique

Prins René 1



**In de orde
van ut winkelkerke**

Proclamatie van Jeugdprins **Jules** en Jeugdprinses **Rence**

Samen:

Wae, **Jeugdprins Jules** en **Jeugdprinses Rence**,

Wille in aanwezigheid van oos veurgangers

Jeugdprins Ramon en Jeugdprinses Lionne

Gaer 't volgendje tege euch zègge:

- J. Ich ben prins Jules den ièerste, ich ben van Wim van Jan vanne Plem
Dae geuftj gaer gaas, steit zeldje oppe rem
Auch ben ich van Jeanne van Tjeu van Gele Lei eine zoon,
Mam woëndje vreuger tegeneuver Boalders Toon.
Asse 't mich vreugst ben ich toes de knapste
en auch behueërlik wies Mam zeet van-neet,
mam heltj micër van beginnendj gries.
Ich maak veural toes, mer auch oppe schoeël dèk van alles paraat.
" 't Verstandje hubse zeker van dien mooder",
weurdjt mich dèkker gezagd
- R: Ich ben Rence van Jos van Lemme
en van Nellie van Liter Jan zien Graad
Det Jos 't zien nog heet, haaj ich mich zelf al bedacht
Veurig joar waerdje ich al Borebrocëd, zoë beslisdje toen het lot
En dit joar veel ich met lote dus alweer inne bôter met mien vot
- J. Toet miene adjudant hub ich Richard gekoze:
En dae krieg ich met dees daag zeker nog ins aan 't bloze.
Mer ich weit: van Richard kan ich van op aan
Wae goan d'r same dèkzat stevig tegenaan.

- R: Miene adjudant is Rachel Teuwen gewore.
Ich haaj 't leefst wille keze veur al mien vriendinne
Mer doa koste die van het comité neet aan beginne.
- J. De meisters en de juffen hove zich toet asgoonsdig gein zûrg te make
Euver meujlikke laes-, racken- of taal-lestake.
Ze kinnen vanaaf vandaag baeter zelf de speulplaats gaon kieëre
Om den nao de vastelaovendj de kinjer weer van alles **aaf** te lieëre.
- R: Want wae goan de kinjer lieëre wie ze mote hosse en springe.
Wie se same in ein riej de polonaise luips en desse mèt moos zinge
Auch lieëre wae de wichter om zich te gedrage
wie eine echte Moereboek Samen lache.
lol make en zinge det is hiej al joare ein good gebroek
- J: En as de tieëd van heiwes gaon den kumtj
Is ter van de jeugd nemes dae doa-om nog zumptj
Want het is den al neet mier zoë vreug
En de allerkleinste zeen al ein bietje meug
- R: Mer zoëlang as 't gezellig is, zulle de aojers neet gaon zeure
Euver heiwes goan, en thoes mot auch nog vanalles gebeure
Dus jeugd van Ell, zeetj met de vastelaovindj opnoew erg slum
En gebroektj op 't juuste moment eur stum.

Same : De stum heet auch get met oos motto te make
Det zulle wae noe den loate krake:

Met zang, muziek en nog mier geschrieëuw

Beginne wae aan de ièerste vastelaovendj van dees noew ieëuw.

Alaaf

Beste Moeëre en Moeërinne.

Wie ich Siem vanne Koalder dit stukske sjreef, mog ich mich al 2 x 11 daag prins van 't Moeëreland numme, en Corine zich mien prinses.

De tieët veur de oetroping waas geweldjig.

In 't geheim vergadere, in eine gelieëndje auto euver wieërt omrieje om mer neet gezeen te waere door oplettendje moeërebuuk.

En den 't moeilikste van alles, dig moandje stil hoaje tege eederein, mer noa ein paar waeke reukse der aan gewindj.

Zoeë as ich met mien proclamatie al zag hub ich mich twieë ontzettendj gooj adjudante oetgezoogd, Berend Geelen en Henri Verstappen, die met die daag ein klein bietje op mien prinses motte lètte.

Auch zeen we der al eine kieër officieel op oet gewaestj namelik noa de prinsereseptie in Kelpen ein bietje ein thoes wedsrtied veur mich omdet ich doa mien roets hub ligge.

Met eine haup zenuwe, ein paar auto's vol vasteloaves gekke en ein super gooj brassband kwome wae mieër as goot veur de daag "**jonges bedankt**".

Zeker neet te vergaete is ein woord van dank aan Prins René en Prinses Monique met adjudante, en jeugdprins Ramon en prinses Leonne die aafgeloape joar de kèr hubbe getrokke, en der eine baere gooje vasteloavendj van moke.

Dit jaor is 't oos beurt om der get van te make.

Dèt zal met oos prinsepaar Jules en Renee zeker waal lukke.

Al is 't dit joar gein jubileum joar, as ieërste vasteloavendj van deze ieëuw maake we der get spesjaals van.

Noe sloet ich mien stukske aaf met mien motto,

Waal of neet met ins,

vasteloavends muziek is dit joar PRINCE

Moerebuuk,

Met de negenenvieërtigste Prins van oos vereniging zeen wae 't noew millennium ingegange.

Wae hope det wae dit volksfeest nog lang vol moge haoje.

Of wae 't noe vasteloavendj motte numme of det wae carnaval motte zegge, waat meuktj 't oet, as wae allemaol weite waat wae bedoele, toch?

Wae hùbbe 't gelük det de ieëste prins van dit tieëdperk ein van de prominenten van oos durp is. Siem vanne Kaolder, de kinner van sfeer en gezelligheid bie oetstek, bekindj toet wieët boete Ell oom zien betrokkenheid met de hedendaagse muziek, bekindj oom zien betrokkenheid bie de sport in 't algemeen en voetballe in 't biezunjer, door de alles bekindj in Amerika en Ingelandj, Frankrijk en Pruses. Daezelfdje Siem heet de verantwoordelijkheid op zich genome oom in 2000 veurop te loupe met de vasteloavendj. Gae koontj euch veurstelle det oos vereniging, mer veural zien supporters en bargaste dao trots op zeen. Terecht!


Veur mich ein bewies det auch dees generatie minse derveur is oom vasteloavendj in standj te haoje.

Dao zeen wae enorm bliej oom, dao zeen wae trots op oomdet wae constatare det de inzet van oos veurgangers oet de jaore negetieënhoonger en de meute van alle vrieuwilligers van noe neet veur niks is.

Fantasties! En nog eine gooje vasteloavendj.

Vorst Jan.

Reparaties,
auto's
twieëdehands
of noew



Gootj noo
Garage
Heemels
toe


Bie ôs kintj gae
mèt vastelaovundj
daag en nacht tappe
Rabobank

Wiltj gae
uche vrachtwage
van ein anger
kleurke veurzeen
den motj gae
bie Peter zeen

Wiltj gae thoes get sterks
drinke of zelf tappe
Den mot gae ins nao
Slieterie Bacchus stappe



Veur al eur loeënwark
Snel, good en neet deur



Dao hubbe wae Harry v/d Looy toch veur!

De Verleiding:

Biej Piet en Mia van Glabbeek húbbe ze eine sjoeëne hoondj,
genaamdj Goofy.

Piet geit veul mèt ziene hoondj wanjale. Hé weurdj den regelmaotig
door Sjeng vanne Bekker vergezeldj.

Den loupe ze via de Sebastiaanstraot nao de Kampstraot en den
richting kastieélke.

Zoeë komme ze op eine goaje daag nève Lemmenhof en waat
schetstj de verbazing, dao steit ein groeët bord mèt ein foto op van
Ria Oomen (CDA kamerlid). Sjeng dé eine echte
CDA-man is, zeet tege Piet, "dèt is nog 'ns ein knappe vrouw, die
gaon ich 'ns ein kusje gaeve", en lùptj nao de foto en kustj Ria recht
oppe moondj. Piet dé haaj 't neet mieër en laag kromp
van 't lache. Naodët Piet weer waas bekomme laupe ze
weer verder. Sjeng kiekjtj nog 'ns om, of dèt nemes gèt
gezeen haaj, mèr gelukkig, dinktj hé, nemes te zeen.
Mèr hé haaj neet gezeen dèt Lemme An achter de raam
stong te lache. Ein paar daag later laupe ze weer oppe
Kampstraot richting kastieélke en komme weer langs
Ria Oomen. Den zeet Piet tege Sjeng: "Hoef je Ria
vandaag niet te kusse?" "Nee", zeet Sjeng, "eine kieër
is genôg", en ze laupe verder. Den hueërtj Sjeng eemes
rope, hé dreitj zich oom en den reuptj Lemme An, "Sjeng bèsse neet
gèt vergéte?", en wiestj richting Ria Oomen. Sjeng kriegtj ein kleur
wie ein riepe tomaat en lùptj snel verder.

"Potverdorie", zeet Sjeng tege Piet dé weer kromp laag vanne lach,
"noe heet Lemme An 't nog gezeen!"



Siertegels of betontegels

ein stuupke of ein paedje

Gaojt nao Wim, det is de man
dae det veur uch make kan



Likt gae mèt
uche fiets euverhaup?
Gaojt den nao Albèr
Want dao zeen ongerdeile en
gebroeëktje fietse te kaup




Ein dink waat alle
Moerebuuk weete mooge
Ble Tjeu kinse ein
lekker glaas beer drinke
En det is zeker neet gelooge

Laotj Marlies
get veur uch klaarmake
den kintj gae ut uch
lekker laote smaake



De mik is dao zoeë lekker.

De vlaai is dao zoeë lekker.
Natuurlik ble Thijs, ooze werm bekker.



Kiektj ins get dekker inne
speegel van Iris haar zaak

Reünie:

1962-1968 vanne lieëgere sjoeël.

't Fieëst waerdje gehoaje bij de beugelbaan.

't Waas reuze gezellig, mèr eederein waas
waal gèt oajer gewoare. Toch waas nemes
veul veranderdj, teminste der woare der bij

die dèt dachte. Totdèt Mia van SmeedsTeun, Tjeu van Miet
vanne bekker zaag zitte kalle mèt eine angere joong. Mia
vreugtj drék aan Corrie van BekkersSjeng: "Zèk Corrie, vertèl
mich ins, heet Tjeu eine vrindj?" Waoöp Corrie begintj te lache
en zeet tege Mia: "Det is Tjeu van Claessens, kins dich dé neet
mieër?"




Carla van Pleunis wist zeker weem de
noewe Prins van 2000 zoeëj waere.

Ze haaj namelijk Evert oppe Hoeëgstroat


bij dèt hoes naeve de Fuus noa boete zeen komme.

Joa mèr Carla, zagte die anger dames woeëdèt ze dèt tege
verteldje, dèt is eine broor van Evert, dèt is bij Ed Koenen.





Ein ongelukske met dees daag
det is om te verrèkke
Laotj uch van te vaure bie
Knapen good dèkke



**Zeuktj gae ein leuk
plentje veur inne kamer
of get zaadjes om te poote
of eine sjoene bos bloome
den motj gae ins bie de
specialist op det gebied,
Verhaag, aankoom**

Hubtj gae
kabelwerk?

Den is
van Geleuken sterk.



Zeet gae op zeuk nao stof, gae of wol
Thea heet dao de noewe winkel met vol

Wisj der al dèt

- Alex van Roy 't Land van Ooit neet wist te ligge ondanks eine platte grondj.
- Het KVV te gek waas mèt zien 30 jaorig fieest.
- Marlies en Paul verhoestj zeen, mèr dèt de geite ein anger 5 sterre hotel zeuke.
- Sjang Lenders eine sjaopsbok de geit heet loate dèkke.
- Oppe Fuus eine makelieër wooëntj.
- Ed van Dijk veur de twieëdje kieër noa Canada is.
- Sing a song bij Siem good lûptj.
- Der veul zangtalent in Ell zitj.
- Op sommige stencils nogal gêt tiepfoute staon.
- De ballon van Corine 't wietste is gekomme, bij Evert en Tiny in de achtertuin.
- Ell oppe televisie 't aafgeloupe jaor veul in beeldj is geweestj.
- Bij Govaerts de winkel hoast leeg is.
- Der weer veul hoezeruil geweestj is 't aafgeloupe jaor.
- Marlies kaartj mèt Jean, mèr ze zeen èvegoud mèt veere ra ra....
- Nol en Idy 't neet konne laote.
- Ze noe in Ellenhof beheerders zeen.
- Mèt oad op noew veul rotjes de logt in zeen gegange.
- Ze dit jaor de wermste zomer van de ieëuw veurspelle.
- Marlies ging pinne terwiël der niks te pinne waas. De pas veel gewuën in ein groat gaat.
- De belasting neet allein bij de vastelaovesvereniging is geweestj mèr auch bij Jan Heldens.
- Jan zien gooj kleier allemaol as wèrkkleier opgoof.
- Dé man dao neet intrapdje, hé kocht zien kleier namelik in dezelfde winkel. "En daar hebben ze geen werkkleding", zegt der.



gewoon gezellig ... hartstikke lekker!

Kepper Variéte en Evenementen Buro

Kepper treudij op veur jong en oud.
André & Connie organiseere fneeste
groeët en klein.

Opennig: stinjt, persónaliteitsle en nog veul meêr




Is der get neet in orde met
eur kat of eure hondj
Snel nao de dierenkliniek
want dao make ze die
weer gezondj



Veur eur dagelikse
boeëdsjappe, mer
auch veur get te
poste of eine zegel
te kaupe, kintj gae
bie Mart en Hennie
binne laupe.

Is euvernachte in ein hotel uch te deur?

Lantinga heet den
waal ein caravan
te heur!




Vreemdje talen
liggen uch neet?

Den nao
Custers
taaladviezen


Stinkendje vergissing:

Aafgeloupe jaor ging ein stêl Eller minse noa Ingelandj noa de
broeloft van eine gooje kameroad van heur. Nateurlik môste ze
al ein paar daag van te veure gaon, want doa waas auch eine
vriegzelle aovundj, net zoeë good as dêt wê dêt hiej gewindj
zeen. De jonges ginge mèt de broedegom en de maedjes ginge
mèt de broed op stap. Toevallig waas de Prins van dit jaor doa
auch bie. En omdêt as hê op stap geit auch dêk gein moat kan
hoaje mèt de drank, waas hê optiet zaat. Wiedêt hê noa eine
aovendj stappe niks gein ingels beer mieër kôs zeen of ruuke
ging hê alvast noa zien hotelkamer. Toen hê einmaal in béd
laag, veuldje der eine zwoare drûk oonger inne rûk. Toch mêr
efkes noa de w.c., dacht Siem, veurdêt 't mich dalik naeve de
bein driefjt. Wiedêt Corine twieë oor later oppe sloapkamer
kwaam, zaag ze dêt Siem neet in zien béd laag. Joa, mêr dacht
Corine, woeë zitj dé noe. Ze sjrôk en leep richting badkamer.
En jaowaal doa zaat Siem oppe randj van de badkuup te sloope.
Hê haaj zich inne deur vergistj. Corine sjriktj en reuptj, "Siem
waat besse aan 't doan, doe zits op 't bad". Mêr 't waas al te
laat want Corine rook 't al. Zien hieël behoefte (groeëte) laag in
de badkuup. Dêt geise zelf mêr opruume, ich goan mich waal
eurges anges wasse, hiej kroep ich neet mieër in. Wiedêt Corine
later trûk kwaam, ze haaj zich mêr bie die angere gedoestj,
waas alles weer opgeruumdj. Wie Siem dêt gedoan heet zeen
Corine en wê noeëts achter gekomme.



*Lecker en
gezondj*

In de kasse van Coolen
kintj gae komkommers hoole



Veur van alles en nog get


OASIS

*Bie Oasis rindtj gae det
bloem - kunst - kado*



**Wiltj gae eine geeie pot heer,
veul plezeer en get gein,
Môt gae bie Marijs & Paul
van de de Prairie zijn**

**Môt gae motorongerdeile
of gêt anger spul,
gaotj nao Knapen,
want die hóbbe vul.**



*In de appele
of in de paere
Laotj ze bie Koppen
en Moors mèr gewaere*

Wisj der al dèt

- Sjang Lenders de strik van L1 gekrege heet.
- Hé oppe televisie is geweestj.
- Wé noe in 2000 de 49^{ste} Prins húbbe.
- Dèt Prins Siem I is gewoore.
- Nemes dèt gedachtj haaj.
- Ziene spreuk is: "Waal of neet mèt ins, vastelaovesmuziek is dit jaor Prince".
- Dèt Siem ziene favoriete zanger is.
- Wé auch weer ein Jeugdprinsepaar húbbe, namelijk: Prins Jules I en Prinses Renee.
- Der auch weer vief leedjes waore.
- De basse van Avanti dèt gewonne húbbe mèt 't leedje "Miene hoondj".
- De dolfijntjes oppe broeloft van Jolanda en Wil, geine sjoklaat waas, mèr zeip (hè, Remco).
- Carien en Henk van Beurskens vanoet Ingelandj húbbe gehuuërdj, dèt Siem Prins waas.
- Adrian dèt doorgebeldj haaj.
- De sjutterie dit jaor groeët fieëst heet.
- De Schinthalen in Ell komme.
- Jo van Beurskens keuning is gewoore aafgeloupe seizoen.
- Erik vanne sjilder wiedèt ze oet ginge biljare zien tas koffie mèt nom in de auto omdèt de koffië nog veul tē heit waas.
- De 1^{ste} Prinsereseptie vanne noew ieëw al veur 2000 procent geslaagtj waas.
- Dèt ein drükke en lang resepsie waas.
- We weer 5 gooj vastelaovesleedjes húbbe.
- Der weer gebouwtj geit wère in oos moeëre in oos moeëreländj.
- Pestoar Keller aafgeloupe jaor neet de vastelaovesmis heet kinne doan.
- De pestoar mèt wanjele zien bein brook soaterdigs veur de vastelaovendj.
- Pestoar Lens toen mèr gauw ingesjaakeldj werdje.
- Ein vanne adjudante oppe resepsie gelieëndje sjoon aan haaj.
- Die van eine spoeëkejaeger woore.

XXX Derckx

Staalbouw
Derckx B.V.
Woert

Uche partner en
spesjalist in
staalconstructies

Nog effe nao
Sjoeneheidssalon

Zuus se der good oet, den veuls se dich good.
Veuls se dich good, den zuus se der good oet

Veur speelgoed, ein leuk
presentje of veur hoeëshoelike
zaake
ze witte bie Govaerts
der uch waal
get van te make.

Zoetli der moerstrunk der
een hantele of ein plantje
zoet in de tunc of a chere
de hantele



Den motj gae zeker ins bie
Linders aanbelle

bloome haoje van moere



Veur ein lekker wüstsje
lepke of sjiefke
mer auch veur ein biefke

steit ooze slegter
veur uch klaar



Met die daag good aete!
Den motte wae zeker de
sampions van Koolen en
Heijkers neet vergaete!



Ein Vergissing:

Biej Mia en Sjeng vanne Bekker hùbbe ze veul kinjer, en dees
kinjer hùbbe auch weer kinjer.
Dus hùbbe Mia en Sjeng auch weer veul kleinkinjer. Esther is de
joongste dochter van Sjeng en Mia en is getrouwdj mèt Mart
Kessels, en die woeëne same mèt Anne en Guus oppe Broekweg
10 in Eil.

Op eine gooje middig zeet Sjeng tege Mia, ich goan effe nao oos
Esther kieke wiej 't mèt de kinjer geit. "Jao is good", zeet Mia,
"mer blief neet te lang". "Nee", zeet Sjeng, "ich bun weer zoa
trúk". Dus Sjeng te voot richting Broekweg. Dao aangekome geit
Sjeng zoa vriej as hē zich veultj, via de graasjdeur nao binne en
kumtj zoa inne keuke. "Gooje middig Esther", zeet Sjeng, en tot
zien verbazing dreijt Carla van lange Edje zich om. "Ha Sjeng",
zeet Carla, "hoe geit 't mèt uch, kan ich uch eurges mèt helpe".
Woaop Sjeng vreugtj, "is oos Esther neet hiej?" Woaop Carla weer
zeet, "uch Esther diej woeëntj hiej neet, diej woeëntj toch hienëve.
Woaop Sjeng zich snel omdreitj en mèt eine kop as ein riepe
tomaat weer via de graasj noa hoes geit. Thoes aangekome zeet
Mia, "doe bèst waal erg gauw trúk," en
vreugtj, "waas oos Esther neet thoes?"
"Nee," zeet Sjeng, "doa waas nemes."
Noe weite wē auch woarom Esther en
Mart alle rame en deure geel gevèrfdj
hùbbe. Namelik zoeëdēt Sjeng zich neet
micër kan vergisse inne



"De Moerebuuk"
Wie wordt de nieuwe prins

2000


Deelnemer
+ tel.:
1. Wil Siemans
2. S. Costen (Hain)
3. R. C. C. C.
4. R. C. C. C.
5. H. C. C. C.



Wisj der dēt Jeanne van de Koalder
bienao de Prins good geroaje haaj!!

Linda vanne Tup is ein maedje waat aaf en toe ins op stap geit. Noe gebeurde dèt aafgelaoupe naojaor auch weer ins en 't waerdje nogal tamelik laat veurdèt ze heives ging. Loat hum noe sangerdaags auch nog vreug op môtte veur noa sjoeël te goan. Mèt eine roebel 't béd oet, want de trein woadèt ze mèt môt wachdj neet. Gèt kleier biejein gedoan, waat zoeë links en rechts oppe wasmanj laag, aangetrôgtj en doa op Wieërt aan. Wiedèt Linda oppe statie sting te wachte dacht 't bieje zichzelf, ich bin geluif ich flink aafgevalle de lêste oore, want die bôks kan ich zoeë oet trêkke. Wiedèt ze nog ins tegooj noa die bôks keek sjrôk ze zich kepot. Sjit dinktj Linda, die bôks is neet van mich, mër van Siem. Die heet oos mam veur hum oet môtte wasse. Gelukkig kwaam eine gooje bekindje van Linda. Toen het 't verhaol aan hum verteldj haaj en hé weer bekomme waas van 't lache gaaf der ziene bôksereem aan Linda: "Noe kinse de bôks in eeder geval vandaag ophoaje."

Tom, ein mênke van veer, kreeg eine cavia (knuffel). "Mam", zeet Tom, ich hûb de juffrouw gezagtj dèt ich eine cavia gekrêge hûb en noe maag ich hum mûrge mèt pakke nao sjoeël. Mèt den waal in ein doeës zag juffrouw Marlies". "Tom", zeet Ans (zien moeder) hûbse den waal gezagtj dèt 't eine knuffel is?" "Dèt zuut ze mûrge waal", zeet Tom hieël euvertuogendj



Opening Prairie:

Miek vanne Sjilder zaat aan 't buffet bieje Paul en Marlies. Ze verteldje dèt ze neet bieje de opening kôst zeen, vanwege heur vekansie in Knokke. Daorôm vroeg ze eemes dé waal bieje de opening kôst zeen, of dé precies woaj vertêlle wiedèt de opening verloupe waas, want doa waas ze toch hieël benoedj noa. "Dèt kindj gé mich auch faxe", zeet Miek. "Jao mër", zeet den opins Thei van Beurskens, "mër Miek, waat oajerwêts, wé kinne dich toch auch eine e-mail steure". "Och joa", zeet Miek, "dèt kan auch want wé goan toch neet zoeë wieët op vekansie".




Wiltj gé ein leuk vloertje of wantj laotj het betegelen door Peter v/d wer, dé is 't beste in moeërelanj



Kintj gae allein nog mer
veutje veur veutje
en neet heller,
gaotj den ins nao
Wies, Bep of Toos,
danao lauptj-der weer
sneller



Bie Slem
inne Bachelorclub
is ut good
Doo kriegtj-der
genôg Grolsch
in uch blood



auch al steit met dees daag alles oppe kop
miene service steit altied veurop !!!

Tenieltechniek

Hub van Luute

Geluidsinstallaties
Tenielbelechting
Straumverzorging



wiltj gae ins danse
of kriegtj der dorst
Gaotj den ins binne
biej Ellenhof

Hubtj gae lost van uch spiere
in de bein of inne nek
Den is Beekman de juuste plek



Eller vastelaovesleedjes:

Wietj gae gemerktj hûbtj, zeen der de
aafgeloupe jaore leedjes gemaakt veur oze
vastelaovendj. 't Leedjesaovendjcomité
(LAC) en de minse die zûrge veur de
muziek, en auch de leedjessjrievors en de
oetveurendje artieste hûbbe hieël veul
werk verzatte oom dit evenement te laote slage. Ze hûbbe zig daobie ten
doel gestêldj oom eine gooe basis te lêgge veur ein toekomstig repertoire
aan Eller vastelaovesleedjes. Daobie is ut erg belangrick dêt dees leedjes
drek en dus eder jaor tegooj opgenome waere. Mer die opnames koste
tamelik veul geldj. De vastelaovesvereniging heet zoveul geldj neet veur
te sjete. Oom noe te garandere dêt eder jaor de opnames gemaaktj konne
waere, is eine sponsorgroep in ut laeve gerope. Deze groep duit eder jaor
weer ein biedrage veur de opname. In ruil hievueur kriegtj edere sponsor
ein cd mêt de leedjes van dêt jaor. Doa waere 25 cd's gemaaktj, neet
mieër. Dit om dees cd veur de sponsors en/of verzameliërs exclusief te
haoje. As men later vindj dêt der genoeg leedjes zeen om op ein
verzamelcd te zette den weurdj dees cd veur ederein te koup aangeboje.
Doe môtte wae dus efkes op wache.

Dao zeen waal ein aantal leedjes op cassette oetgebrachtj zoedêd
leefhûbbers van echte Eller vastelaovesmuziek thoes toch de leedjes
konne belocstere. De opbringst geit auch weer nao 't 'fonds' dêt wae
opbouwe veur 't in standj haoje van de leedjesopname. Wae hope auch in
de toekomst weer op de steun van oos sponsors te moge rackene. Dees
minse kriege eder jaor opnoew de kans oom weer de vaste biedrage veur
ein exclusief cd te doen en zoec ein serie op te bouwe. Dit jaor wore dêt
de volgendje minse/bedrieve:

Oprichters Sponsorcomité: Jan Custers, Bart de Louw, Evert Koenen en
Jan Verstappen.

CD Sponsors 2000: Jos Strous, Huub Sentjens, Peter v. Hunsel, Mart
Stienen, Jan Deckers, Piet Custers, Peter Custers, Fanfare Ellona, Café
'bie-Tjeu', Harrie Seerden, Tjeu van Lier, Boefie, Wiel Huyskens,
Bachelorclub, Jan Heldens, Nol Gubbels, Lins Corbey, Slagerij Ruud en
Marleen Heykers, Dick Goldenbeld, café de Prairie, Oasis

Winnendj leedje leedjesaovundj 2000

Miene hōndj

(Jan Custers/Leon Camp)

DE BASSEN VAN AVANTI

Refrein:

Miene hōndj dae lustj gein moeëre
Dao trèkj hae de naas veur op
Jao jao en allebei zien oeëre
Hange slap langs ziene kop
Ziene stert dae lietj-ter hange
't speule is noeë toch gedaon
Hae wiltj gein knien mieër vange
Ein lekker teefke zuutter neet staon

Ich hùb mich al ins aafgevraagd
Is hae tege gegaete
In't moeremoos dao hùbbe oeëts
te veul eunje gezaete
Missjien 't spek neet vet genoeg
Of woore d'erpel rot
De balkebie te hel veur hum
En hieël zien tenj kapot



Refrein

Ich roop hum waal ins nao mich hèr
Den luptj-der vān mich aaf
As of der dao mèt zègge wiltj
"Zèg, vins se mich neet braaf"
Ich sjeld en dreig en pak zien vel
Hae trèktj eine krômme rök
As of der mich den zègge wiltj
Waat meuks se dich weer drök

Refrein